

রেজিষ্টার্ড নং ডি এ-১

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

রবিবার, জানুয়ারি ৩০, ২০০০

৮ম খণ্ড—বেসরকারী ব্যক্তি এবং কর্পোরেশন কর্তৃক অর্ধের বিনিময়ে জারীকৃত বিজ্ঞাপন ও নোটিশসমূহ।

অগ্রণী ব্যাংক

প্রধান কার্যালয়

প্রজ্ঞাপন

তারিখ, ৪ঠা মার্চ ১৪০৬/১৭ই জানুয়ারী ২০০০

এস আর ও নং ৯-আইন/২০০০—Bangladesh Banks (Nationalisation) Order, 1972 (P.O. No. 26 of 1972) এর Article 29 এ প্রদত্ত ক্ষমতাবলে অগ্রণী ব্যাংকের বোর্ড অব ডাইরেক্টরস, সরকারের পূর্বানুমোদনক্রমে, অগ্রণী ব্যাংক কর্মচারী প্রবিধানমালা, ১৯৯৫ নিম্নরূপে সংশোধন করিল, যথা:—

উপরি-উক্ত প্রবিধানমালার প্রবিধান ৫০ এর পরিবর্তে নিম্নরূপ প্রবিধান ৫০ প্রতিস্থাপিত হইবে, যথা:—

“৫০। অবসর ভাতা, অবসর জনিত সুবিধাদি।—(১) Agrani Bank (Employees) Service Regulations, 1981 এর regulation 16 এ উল্লিখিত General Provident Fund Scheme, Pension and Death-cum Retirement Scheme বা অন্য কোন Scheme, এই প্রবিধানমালার বিধান সাপেক্ষে, সাধারণ ভবিষ্য তহবিল, অবসর ভাতা ও অবসরজনিত সুবিধাদি পরিকল্পনা নামে অব্যাহত থাকিবে; এবং এই প্রবিধানমালার অধীন এইরূপে পরিকল্পনা সংক্রান্ত যাবতীয় বিষয়ে সরকারী কর্মচারীগণের ক্ষেত্রে প্রযোজ্য বিধি-বিধান, সরকার কর্তৃক সময়ে সময়ে জারীকৃত আদেশ বা নির্দেশ, প্রয়োজনীয় অভিযোজনসহ, প্রযোজ্য হইবে এবং কোন ক্ষেত্রে উক্ত বিধান, আদেশ বা নির্দেশ অপর্യാস্ত হইলে বোর্ড প্রয়োজনীয় ব্যবস্থা গ্রহণ করিতে পারিবে।

(৩২৫)

মূল্য: টাকা ১.০০

(২) এই প্রবিধানমালা প্রবর্তনের পর ব্যাংকের কোন স্থায়ী পদের বিপরীতে নিয়োজিত সকল কর্মকর্তা ও কর্মচারী সাধারণ ভবিষ্য তহবিল, অবসর ভাতা ও অবসর জনিত সুবিধাদি পরিকল্পের সদস্য হইবেন, তবে অগ্রণী ব্যাংকের প্রজ্ঞাপন নং এস, আর, ও আইন/৯৯ তাৎ জারীর পূর্বে এইরূপ কোন কর্মকর্তা বা কর্মচারী কোন কারণে উক্ত পরিকল্পের সদস্য না হইলে তাহারা বোর্ড কর্তৃক এতদুদ্দেশ্যে নির্ধারিত তারিখের মধ্যে উক্তরূপ সদস্য হইবেন।

(৩) এই প্রবিধানমালা প্রবর্তনের পূর্বে নিয়োজিত এবং উক্ত প্রবর্তনের সময় কর্মরত কোন কর্মকর্তা ও কর্মচারী অংশ প্রদায়ক ভবিষ্য তহবিল এবং তদতিরিক্ত কোন পরিকল্পের সদস্য হইয়া থাকিলে, তিনি বোর্ড কর্তৃক এতদুদ্দেশ্যে নির্ধারিত তারিখের মধ্যে, সাধারণ ভবিষ্য তহবিল, অবসর ভাতা ও অবসর জনিত সুবিধাদি পরিকল্পের সদস্য হইবার ইচ্ছা লিখিতভাবে ব্যক্ত করিতে পারিবেন এবং এইরূপ ইচ্ছা ব্যক্ত করিলে বা উপরোক্ত প্রজ্ঞাপন জারীর পূর্বে ব্যক্ত করিয়া থাকিলে—

(ক) উক্ত তহবিলে তাহার প্রদত্ত চাঁদা ও উহার উপর অর্জিত সুদ সাধারণ ভবিষ্য তহবিলে স্থানান্তরিত হইবে ;

(খ) ব্যাংক কর্তৃক প্রদত্ত চাঁদা ও উহার উপর অর্জিত সুদ ব্যাংক ফেরত পাইবে এবং ব্যাংক উক্ত চাঁদা ও সুদ উহার সিম্বলান্ত মোতাবেক অবসর ভাতা পরিকল্প বা অন্য কোন খাতে ব্যবহার করিতে পারিবে ;

(গ) বোর্ডের সিম্বলান্ত সাপেক্ষে তাহার পূর্বতন চাকুরীকাল অবসর ভাতা ও অবসরজনিত সুবিধাদি প্রাপ্তির উদ্দেশ্যে গণনাযোগ্য চাকুরীকাল হিসাবে গণনা করা হইবে।”

২। এই প্রজ্ঞাপন ২১শে সেপ্টেম্বর, ১৯৯৫ ইং তারিখে কার্যকর হইয়াছে বলিয়া গণ্য হইবে।

বোর্ডের আদেশক্রমে

শ্রীঃ এনামুল হক চৌধুরী

স্বাক্ষরস্থাপনা পরিচালক।